

در سعادته یکی پوسته خانه قارشوسند
دائرة مخصوصه در

محل اراره:

مشارقه

۱۳۲۶

مسلكمزه موافق آثار جديده مع المنويه قبول اولنور
درج ايدىليني آثار اعاده اولنور

اضافه:

دين، فلسفه، ادبيات، حقوق و علوم دن باحث هفته لق رساله در

مؤسسلرى: ابوالعلا زين العابدين - ح. اشرف اديب

تاريخ تأسيسى:

۱۱ نموز ۳۲۴

سنه لکى الق ايلقى

۳۵ ۶۵

۵۰ ۹۰

۵۵ ۱۰۰ غروشدر

در سعادته

ولاياتده

ممالك اجنبیهده

در سعادته نسخه سى ۵۰ پاره در

قيرطه دن مقوا بورو ايله کوندريليرسه سنوی
۲۰ غروش فضله آلنير.

در سعادته پوسته ايله کوندريليرسه ولايات بدلى اخذ اولنور.

عدد: ۴

۳۲۶ شعبان ۲۱ پنجشنبه ۴ ايلول ۳۲۴

برنجی سنه

ورقه مذکوره تفصیلاً جواب ویرمکه وقت مساعد اولمیدیندن
بو جوابغزی مقاله آتییه تعلیق ایدیوروز . شمدی وظیفه اصلیه منه
شروع ایدم .

شریعتک امر ایتدیکی وتستر نسوان مسئلهسی کی معترضلریمک
اعتراضات شدیدنه هدف اولدینی مسئلهلردن ایکنجی و اوچنجیسی ده
تعدد زوجات ایله طلاق مسئلهلریدر . اولاً تعدد زوجات مسئلهسنه
عطف نظر ایدم . معلومدرکه ازدواجده ایکی بیوک مقصد واردر :
بری « تناسل » ، دیکری « محافظه عفت » در . ایشه بو ایکی مقصده
بناء ازدواج مشروع اولمشدر . چونکه الی ماشاء الله بو نظام عالمک
دوامی نوع بشرک بقاسیله در . نوع بشرک بقاسی ایسه تناسل ایله در .
تناسلده شبه یوق که ازدواج ایله حاصلدر . حالبوکه برچوق ازدواجلر
واردرکه انلره بوقائده عظمی ترتب اتمز . بناء علیه اگر تعدد زوجات
مشروع اولمسه ایدی برچوق کسهلرک نسللری منقطع اولوردی . انقطاع نسل
او کسهلر حقنده بر ضرر اولدینی کی عموم بشریت حقنده بیوک بر
ضرردر . چونکه نوع بشرک محافظه سی وظیفه سنده علی العموم انسانلر
مشترک اولدیندن بعضیلرینک امر مهم تناسله خدمت طریقله بو وظیفه نی ایفا
ایلمه لری کندی ایچون بر مضرت اولمقدن زیاده نوع بشرده بر
اهانتدر . شو حالده تعدد زوجات بوکی کسهلر حقنده ضروریدر .
مع هذا اکتساب قطعیت اتمش مسائل اجتماعیهدن درکه برملتک ، بردولتک
تعالیسنه اک بیوک مدار ، تکثر نفوس در . تعدد زوجاتک تکثر نفوسه
نهدره جهرده خدمت ایتدیکی ایسه بیاندن مستغنی در .

کذا برچوق ازدواجلردخی واردرکه انلره ده غایه ازدواجدن بری
بولنان محافظه عفت مقصد مهمی ترتب اتمز . مثلاً زوجه بر مرض
مزممه مثلاً اولور و یاخود بر ضعف مدهشه دوچار بولنور . بو حاللر
بر چوق زمانلر امتداد ایدر . بوزمانلر اثناسنده ایسه زوج مجبول
بولدینی مقتضای رجولیتی قضا ایدمه من و بوکا تحمل ایتکده التمدن
کمز . چونکه انسانلرده بو حال بر امر اختیاری دکل ، بر امر جلی در .
شو حالده بوکی آدملر طریق حرامه سلوک ایدرک بر چوق عائله لری
محو و پریشان ایدر ونهایت کنیدیسنی ده درچار اضمحلال ایلر .

بناء علیه شوکی نقاط مهمه دن تعدد زوجاتک مشروعیتی ضرورت
حکمی آیر . برده — حاجی ذهنی افندی حضرتلرینک « کتساب
المنالکات والمفارقات » نام اثر معتبرنده بیان ایتدیکی اوزره — ازدواج
مقتضای جبلت اولدینی کی ، ازدواجده تعدد وتنوعه میل دخی مقتضای
طبیعتدر . تنکم حیوانات سائرده دخی بو حال مشاهده اولنقددر . قبل
الاسلام تعدد زوجات اصولی حدمعینه تابع دکل ایکن شرع منیر تعدد زوجیه
مساغ کوسترمکله برابر درتدن زیاده اولماسنه دخی امر ویرمشدر .
اوتهدنبری انسانلرک حال بهیمیتلرینی تحدید ایده کلمکده اولان شرایع
الهییه نوع بشره بر لطف و مرحمت اولمق اوزره بونک جوازی دخی
شوصورتله بر حدمعینه تابع قیلشدر .

تولادات اناثیه ذکوریهدن اکثراولمغله برابر قادیلرک حیض وحل

کی عوارضه معروض بولنلری وسن ایسه واروب نسلدن کسلری
دخی تعدد زوجات مسئلهسی ایچون ارککلره برحق ویرمکده در .
کاشکی متعدد زوجلر اداره سنه مقتدر آدملر اولسه ده مزارع انسال
اولان برچوق نسوان اولرده معطل قالوبده قوجه مسهلر .

تعدد زوجیه قولاً معترض اولانلرک دخی فعلاً برقادینه منحصر
قالاملری ده تعدد زوجیه میلک بر امر جلی اولدینی کوسترمکده در .
حتی انلرجه ده تعدد فراش واقع و فقط نسل و ذریت ضایعدر . شو
حالده بولنلرله اهل اسلام اره سننده کی فرق اسلاملر تعدد فراشک
دائرة مشروعیته اولسنه نسل و ذریتک مشروعاً تزاید ایتسنه خدمت
ایتمکده بولدینی حالده انلرک قبول ایتدیکی تعدد زوجانه بو خدمت
مقدسه نک ترتب ایتماسیدر .

بونکله برابر شریعت غرای احدییه تعدد زوجانی علی الاطلاق
انسانلره واجب قیلوب بلکه حین حاجتده زوجلر بیننده کمال عدل
و حقانیت رعایت شرطیه مباح قیلش و شاید زوجلر بینلرنده کمال عدل
و حقانیت رعایت ایدنلهمیه جکندن خوف اولنورسه زوجه واحده ایله
اکتفانک لزومی امر اتمش و بناء علیه بویه نازک بر مسئله نی سوء استعمال
ایدرک بو شرطلره رعایت اتمش زوجات متعدده صاحبلرینک شایان مؤاخذه
اولدقلری درکار بولونمش در .

ایشته کورولیورکه تستر نسوان مسئلهسی کی تعدد زوجات مسئله سننده
دخی مغایر انسانیت و مدنیت برشی یوقدر . بوده اومسئله کی صرف
انسانیت بر منفعت محضه اولمق اوزره مشروع اولمشدر . بناء علیه
کرک قادیلرملرک ، کرک ارککلرملرک خارجک اغفالاتنه قایلوبده
حقایق احوالی ، منافع ملیه نی نظر اعتباره آلهرق شریعتک بوکی
اوامرینه کردن داده انقیاد اولملری و بونی قانون اساسینک بخش ایتدیکی
حریته منافی کورمه ملری و اوحریتک بوکی انسانیت و بشریت ایچون
نافع قیدلرله مقید اولدینی بیللری و آکا کوره حرکت ایللری شیئه
انسانیت وحیت ایجاباتندندر .

موسی لایظم

سورة بقره : آیت — ۱۷۷

لَيْسَ الْبِرُّ أَنْ تُولُوا وُجُوهَكُمْ قَبْلَ الْمَشْرِقِ وَالْمَغْرِبِ وَلَكِنَّ
الْبِرَّ مَنْ آمَنَ بِاللَّهِ وَالْيَوْمِ الْآخِرِ وَالْمَلَائِكَةِ وَالْكِتَابِ وَالنَّبِيِّينَ
وَأَتَى الْمَالَ عَلَى حُبِّهِ ذَوِي الْقُرْبَىٰ وَالْيَتَامَىٰ وَالْمَسَاكِينَ وَابْنَ السَّبِيلِ
وَالسَّائِلِينَ وَفِي الرِّقَابِ وَأَقَامَ الصَّلَاةَ وَآتَى الزَّكَاةَ وَالْمُوفُونَ
بِعَهْدِهِمْ إِذَا عَاهَدُوا وَالصَّابِرِينَ فِي الْبَأْسَاءِ وَالضَّرَّاءِ وَحِينَ الْبَأْسِ
أُولَٰئِكَ الَّذِينَ صَدَقُوا وَأُولَٰئِكَ هُمُ الْمُتَّقُونَ

(قبله کعبه الله العلیایه تحویل اولدینی زمان اهل کتابین قبله
خصوصنده پک چوق کفت و کویه طالب هر بری کندی قبله لرینه

ایلدی ، مآلئده اولهرق « من عمل بهذه الآیة فقد استكمل الايمان »
بیورملری بولا اشارت ایدیور - قاضی بیضاوی و ابوالسعود .
مکاتب : هر نه زمان ادا ایدرسه آزاد اولمق اوزره بهاسنی افندیسنه
یازدیرمش یعنی کندوسنی معین بر بدله ربط ایتدیرمش اولان کولهیه
دینور .

استطراد

امور دین بشی اوزرینه دوران ایدر : اعتقادات ، آداب ،
عبادات ، معاملات ، عقوبات . عبادات بشدر : نماز ، زکاة ، صوم ، حج ،
جهاد . معاملات بشدر : معاوضات مالیه ، مناکحات ، مخاصمات ،
امانات ، ترکات . عقوبات بشدر : قصاص ، حد سرقه ، حد زنا ،
حد قذف ، حد ارتداد - اول کتاب الطهارة من رد المختار .

برکت زاره : اسماعیل مہدی

علم توحیدک تعریفی ، صورت تدوینی ، غایتی

— مابعد —

نورالهدی اهل یقین اولان بویله بر شمس فیاض معرفتدن اقتباس
انوار ایدن علمای اسلام طرفندن تدوین ایدیله جک کتب کلامیه نیک ام
سالفه نیک مدونات اعتقادیه سنه اصلاً بکزه میه جکی بدیهی ایدی . مع
ما فیہ دائره اسلامده علم کلامک بر فن مخصوص شکلنده وضع و تدوینی
ایجه تأخر ایتشد .

زیرا عصر سعادته اصحاب رسول (رضوان الله علیهم اجمعین)
مسائل اعتقادیه و عملیه طوغریدن طوغری به مشکلات درخشان
نبوتدن اخذ و تلقی ایتدکری جهته نه زمان بر شبهه عارض اولسه
دارالتعلیم الهیده پرورش یاب کمال اولان اونی امی به (صل الله علیه
وسلم) مراجعتله حل اشکال ایدرلردی . آرملرنده نه زمان بر اختلاف
دوشسه جناب احکم الحاکمینک (جل جلاله) طریق وحی ایلله
صدور ایدن قضای اعتراض ناپذیری حقلی بی ده ، حقسزی ده سرفرو
برده انقیاد ایدرلردی . ذاتاً سوق تربیه نبوتله قلب امته بر دریای
جوشان کبی آقان سیل انوار فیوضاته قارشى ظلمات ظنون و اوها مک
ثبات و مقاومت ایتسنه امکان اولمیدنندن او زمانلرده بویله بر فنک
وجود بوله جفته بیلله طبعی احتمال و بریلله مزیدی . بناءً علیه اودور فیض
و تعالیده اصحاب کرامک اک بیوک مشغله سی فرقان مبین ایلله سنت
نبویه بی اک اوفق تفرعاتیلله ضبط و قید ایتمکدن عبارت قالدی .

عهد پرفیض نبویدن صکره آرتق وحی منقطع اولمیدنندن مرجع
اختلافات کتاب الله ایلله سنت رسول الله اولدی . حضرت صدیق
اعظم ایلله حضرت فاروقک (رضی الله عنهما) ایام خلافتلرنده بر
طرفندن عهد نبوتک خاطرلرده کی تأثیراتی هنوز باقی قالمسی ، دیگر طرفندن
توسیع دائره اسلام و اعلائی کلمه الله ایللک کبی مهمات امور ایلله اشتغال
ایلدی حسیله مسائل عملیه و اعتقادیه جه خلقه عارض اولان شبهه لر

توجه جامع انواع خیر و طاعات اولدیغنی ادعا ایلش اولدقلرندن جناب
منزل الفرقان انلره خطاباً بیور بورکه) یوزلریکزی جهت مشرق
ومغربه دوندر مکز بر (و خیر و طاعت) دکلدرد (یا خود برو خیر و طاعت
یوزلریکزی سمت مشرق و مغربه دوندر مکز دکلدرد) . ولکن (تحصیل
واکتسابه بذل مقدرت اولنه حق) بر (و خیر و طاعت) اول کیسه لردر
(اول کیسه لک برو خیر و طاعتی در) که انلر الله (یعنی اشرا کدن بری
اولهرق یالکز جناب حقه) و (وجه صحیح اوزره) آخرته و ملکله
(بونلرک جناب حق ایلله انبیاسی اره سنده القاء وحی و انزال کتب
ایلله توسط ایدر عباد مکرمین اولدقلرینه) و کتابه (کتب منزله و بوجه دن
بولان فرقان حکیمه) و انبیاسیه (بونلرک هیچ برخی بری برندن تفریق
ایتمه لک جله سنه) ایمان ایتدی . و حباً لله اقربیه و (محتاجین) ایتامه
(مسکینلره) تسللدن تعفف ایدن محتاجینه — شیخزاده) و ابن سبیلله
یولچی به) و (حاجت و ضرورت کنسیدلرینی ذل سنواله الجا ایتش)
سائلله مال و یردی و (فک) رقابده (یعنی مکاتبلره بدل کتابلرینی ادا
ایتمک اوزره معاونت ایلله انلرک رقبه لرینی فک و تخلیصه و یا خود اسر انک
فک و تخلیصلرینه و یا خود آزاد ایتمک اوزره مملوکلر اشتراسته) مال وضع
و تخصیص ایلدی . و نماز قلدی (صلوات مفروضه بی ادا ایتدی) و (اوزرینه
فرض اولان) زکاتی و یردی . و انلر (بین الناس جاری اولان عهدوددن
حلالی تحریم و حرامی تحلیل ایتیمان بر عهد ایلله) معاهده ایتدکاری
زمان عهدلرین ایفا ایدرلر و (علی الخصوص فقر و مرض کبی) محن
و شدائدده و (مواقع حربده دشمن ایلله) حرب و جهاد و تشده صبر
و متانت کوسسترلرله ایشته (دینده و حقه اتباعده و تحری فضائلده)
صادق اولانلر و (کفر و سائر رزائلدن) تقوی (واجتباب) ایدنلر
بونلردر (بو اوصاف مدوحه بی حائز اولانلردر) .

بانک کسری و رانک تشدیدبلله (بر) هر فعل مرضیه دینور —
قاضی بیضاوی . (بر) مرضی خصالی جامع اسمدر - ابوالسعود .
(بر) جناب حقه تقریب ایدن انواع خیر و طاعاتی جامع اسمدر -
روح المعانی .

« ایس البر » قول شریفنده (بر) کلمه سنی ائمه قراءدن عاصمک
راویلرندن بولنان خفص حضرتلرله ائمه قراءدن جزه حضرتلری
(ایس) نیک خبر مقدمی اولمق اوزره نصب ایلله و دیگر قراء و رواة
(ایس) نیک اسمی اولهرق رفع ایلله قرائت ایتشدلردر - شیخزاده .
بو آیت کریمه تصریحاً و تلویحاً بتون کالات بشریه بی جامعدر .
زیرا کالات بشریه کثرت انواعیلله برابر اجالاً شواوچ شیشه منحصردر :
صحت اعتقاد ، خلق ایلله حسن معاشرت ، تهذیب نفس . بواوچ
شیدن اولکنه ، آیت کریمه ده ذکر اولنان اموره ایمان ، ایکنجیسنه
امور خیره اعطای مال ، ارچنجیسنه اقامه صلاة و سائر ایلله اشارت
بیورلشدرد . بونکچوندککه بواوصافی حائز اولانلر ایمان و اعتقادلرینه
نظراً صدق ایلله و خلق ایلله معاشرت و حق ایلله معامله لری اعتباریلله
تقوی ایلله توصیف اولنمشلدرد . رسول اکرم صلی الله علیه وسلم
افندمک کیم که بو آیت ایلله عمل ایتدیسسه علی التحقیق ایمانی استکمال